

M310: Marien Himmelfahrt

- 0,1 Der hímel vnde erde ge=schuf fon nihte.
0,2 Vñ mit finer craft berihte.
0,3 Swaz dro=ber ist vñ dr̥nder.
0,4 Der kan noch maníc wūder.
0,5 Fon nihte wol geschafen.
0,6 Alle die meist̥ phaffen.
0,7 die .i. gelegeten buch for sich.
0,8 Worden nie so kvnsten rich.
0,9 Ioch inlebent nít noch hv=de.
0,10 Die ettewaz fon nvde.
0,11 Ge=machin kvnnen ioch fo fil.
0,12 Daz ich fvr war daz sp̥prechen wil.
0,13 Als ein kleine stvpelín.
0,14 Daz da flvget inder fvn̄nen schín.
0,15 Iz indede dan der svzze crift.
0,16 Dem niht zv dvne vmmvge=lich ist.
0,17 Er kan von nihte ma=chen vil.
0,18 Vñ íntmachit fwaz er wil.
0,19 Dem ersten man daz erste wíp.
0,20 Er machte si als sin selbis lip.
0,21 Gebildet even vñ adamen.
0,22 Von der zveier sámen.
0,23 Sín wir alle sáment kvmen.
0,24 Swí vngeliche zv genomen.
0,25 Der sáme an cref=ten habe.
0,26 Ime gínc ame erf=ten abe.
0,27 Der stam der ersten menschen díet.
0,28 Ame anegín=ne misserit.
0,29 Wand eva gotis gebot virkos.
0,30 Vñ vnf daz paradís virlos.
0,31 kaín fl̥vc a=belen dot.
0,32 Sínen broder ane not.
0,33 Da von die frucht der reínen art.
0,34 Ame ersten deí=le vnerdic wart.
0,35 Hi míde nam die werlt zv.
0,36 Mit fwacheide leider alzv frv.
0,37 Daz got der werlde wart gefech.
0,38 wand si zv boferen hant gedech.

- 0,39 Er irdrancte waz da waz.
0,40 Also daz nieman da genaz.
0,41 Der werlde keiner slate.
0,42 biz an noe selb achte.
0,43 Dri fvne vñ sin selbes lip.
0,44 dar zv ir ige=liches wip.
0,45 Die wurden alle vor der sint flvt.
0,46 Inder arkē wol behvt.
0,47 Do daz wasser da zvrflöz.
0,48 Die cleine werlt wart aber groz.
0,49 Vñ misseginc ir aber alf .e.
0,50 wand der alde noe.
0,51 virflvchte sine fvne kam.
0,52 Der ime den geren abe nam.
0,53 Vñ inlíz ligen also bar.
0,54 vñ wifete sine brvder dar.
0,55 Sem vñ japhet.
0,56 Die schvlden in daz er ez det.
0,57 dvrch den gro=zen vngelinp.
0,58 daz er so scha=melichen schinp.
0,59 vffe sinen fader dreip.
0,60 Da von ovch ime der fluch becleip.
0,61 Vñ den die sider quamen.
0,62 von kam vñ sinen famen.
0,63 Da von ouch immer sin art.
0,64 Geniderit vñ gedruket wart.
0,65 von dem vngetrvwen kam.
0,66 Swaz a=ber von sinen broderen quā.
0,67 Zv werdekeit sich daz gezoch.
0,68 Iz wart edele vñ hoch.
0,69 Alfs die virflvchte diet.
0,70 Sich von den dvgenthaften schit.
0,71 Die bosen muften vnder gan.
0,72 vñ den gvden werden vnder=dan.
0,73 Do wart die werlt al=so gestalt.
0,74 Daz eine geflechte mit gewalt.
0,75 die anderen tvanc mit groser craft.
0,76 daz sie in worden denifthaft.
0,77 Svz wur=den zvei geflechte.
0,78 Einez fri=daz ander kneihte.
0,79 Daz ei=ne fri starc daz ander fwach.
0,80 von noes flvchen daz gefchach.
0,81 Waz sal ich da von fagen me.
0,82 von adam biz an noe.
0,83 stvnt der erste werlt stam.
0,84 Vñ da von noe biz an abra=ham.
0,85 von abraham da mus=te sten.
0,86 Die werlt biz an mo=ifen.

- 0,87 von moyfen bis andie dit.
0,88 Die got von babilonien fchit.
0,89 vñ fvrthe dvrch daz rode mer.
0,90 Do ftvnt daz babi=lonifche her.
0,91 vorbaz finís al=tirf zit.
0,92 biz anden edelen k̄vc dauíd.
0,93 der wuf von finer blv=wenden am̄ jugent.
0,94 Vf vñ vf mit ganzer tvgent.
0,95 Er waz ein hoch pphete.
0,96 von go=de er wifheit hete.
0,97 Svaz fider her von finer art.
0,98 vñ von fime geflehte geboren wart.
0,99 Die fint noch inder jydesheit.
0,100 von er dauides edelkeit.
0,101 Ge=boren horic verre me.
0,102 Dan die kein geflehte inder alden .e.
0,103 Do ftvnt die werlt von dauid.
0,104 biz ander feiligen kvnf=te zit.
0,105 Daz ihc xp̄c felbe quā.
0,106 Der vnf den ewigen dot be=nam.
0,107 Er wart von einer magit geborn.
0,108 Die er zv mv=ter hat irkorn.
0,109 Er wolde fin irf libes frvcht.
0,110 Dvrch die reí=ne kvfche zvht.
0,111 die got an ir bekante.
0,112 Do er von himel fan=te.
0,113 Sinen fvn in iren lip.
0,114 Indie reine maget nit ein wip.
0,115 wie reine kvfche mvste fin.
0,116 Dez mvterlichez kindes fchrin.
0,117 Da inne der fil reine lac.
0,118 der kein vnreinde liden mac.
0,119 maria alder werlde wunne.
0,120 Von dauides kvnne.
0,121 Von ief=fe die rvde.
0,122 Vil wunnecliche irblvde.
0,123 Zv felden der criften=heit.
0,124 Si blvde vñir der jydesheit.
0,125 Sie reine wol geborne.
0,126 Sam die rofe vzir dem dorne.
0,127 Dez kindes dez die magit genas.
0,128 Ir vater vñ ir fvn iz waz.
0,129 vñ fi fin dohter vñ fin mvter.
0,130 Ei fvzer got vil gyter.
0,131 Sit dv von finen fater her.
0,132 gegin der erden dede ker.
0,133 vñ menf=clich vzir der erden.
0,134 Ein menf=che gervchte werden.

- 0,135 doch fvn der menſche fame gar.
0,136 Swie ein menſche dich gebar.
0,137 Dv vaderhalp nít menſchen kint.
0,138 von engels wortē ein geiſt=lich wint.
0,139 Indíner mvter frvch=te wart.
0,140 Daz von dez wor=tes ín fart.
0,141 dv mvthalben worde.
0,142 Menſlich kint vñ fleiſ=liche bvrde.
0,143 vñ dich die reine maget her.
0,144 gebar menſlich fvnder fer.
0,145 vñ ſit dv dez gervch=te gar.
0,146 von menſhen dine nar.
0,147 Nemen díne ſpiſe.
0,148 Vñ ín menſ=licher ſpiſe wífe.
0,149 von mvterlicher ſpvñne.
0,150 Fleiſh vñ blvt gewunne.
0,151 vñ ſit dv reiner fater gvt.
0,152 Daz ſebbe fleiſh daz ſelbe blut.
0,153 Den reinen lip daz here leben.
0,154 Gervchte deme dode irgeben.
0,155 Vor vn=fer aller ſchvlde.
0,156 vñ vns dí=nis fader hvlde.
0,157 So merter=liche irworben.
0,158 Daz dv vor vñſ irſtorbe.
0,159 Vñ irloſete alſo dvre.
0,160 vns díne arme creature.
0,161 von der eweclichen not.
0,162 Die ane dínen heren dot.
0,163 Nv=mer mohte ſín gewant.
0,164 So ſiſ dv fvzer got gemant.
0,165 Der werltlicher trvwen.
0,166 Daz dv fon hellervwen.
0,167 vñſ feð=liche kovfte do.
0,168 Daz wir di=nis kovfes werden fro.
0,169 Ander oſterlichen zit.
0,170 So andí=me kovfe lit.
0,171 beide gewín vñ verluſt.
0,172 Wan virlvref dv dan dínes libes kvft.
0,173 An den die díne hantgedat.
0,174 Zv kinde dir geſcheppet hat.
0,175 vñ heiſen díne kint.
0,176 vñ indíne namen ſínt.
0,177 beide ge=namet vñ getovft.
0,178 So hedes dv nít wol kovft.
0,179 Sit dv biſt criſt vñ wir ſín criſten.
0,180 So mvſſes dv vñſ gefriſten.
0,181 her=re fater díne kint.
0,182 Die nach dir genenet ſínt.

- 0,183 vñ laz vnf daz irwerben.
0,184 .e. dan wir ir=fterben.
0,185 Dvrch die heiligen namen dri.
0,186 daz nit an vnf verloren fi.
0,187 Die groz arbeit dñes fvnes.
0,188 Iz ftribet nie=man me dorch vns.
0,189 Der vnf lofe alfo dvre.
0,190 do der vil vngehvre.
0,191 Hellewolf virir=te.
0,192 Dine fchaf dir hirte.
0,193 Dv folgete im biz infin hol.
0,194 vñ lofete fie nv hvde wol.
0,195 Hir=te dñer herten.
0,196 vnf laget der ie gerte.
0,197 bit fintlicher g begir.
0,198 wie er daz virzvcke dir.
0,199 Daz din rihtlich eigen ift.
0,200 da befchirme vnf fvre ihv crift.
0,201 dvrch die maget lieht gevar.
0,202 Die dich zv fchirmere vns gebar.
0,203 Dvrch die felbe kvneginne.
0,204 Ich diffes meres aneginne.
0,205 Wil brengen zv eime orte.
0,206 Nach der fchrifte worte.
0,207 Der fuze got vil here.
0,208 der dem gvten fante fevere.
0,209 Sante den vil heiligen geift.
0,210 bit einer dvbē zv folleift.
0,211 Daz er der heili=gen fcrifte hort.
0,212 beide tvton vñ wort.
0,213 Schone fānc vñ laz.
0,214 Dez er nit geleret waz.
0,215 Der fende mir ovch folichen fin.
0,216 wand ich nít fo finnic bín.
0,217 Daz ich von mín fel=bes kvnft.
0,218 Svnder godeli=chen gvnt.
0,219 Mich diffes me=res vnder wínde.
0,220 Von ma=rien fante annen kinde.
0,221 Wie daz ir fvn bit ir gewarb.
0,222 zv irem ende do fie ftarb.
0,223 vñ wie die engele namen.
0,224 Iren reínen lichamen.
0,225 vñ fvrten ín vil fchone.
0,226 Gegin deme hohen trone.
0,227 Da got infiner maieftat.
0,228 die fvze maget gecronet hat.
0,229 dez wil ich vch befcheiden gar.
0,230 Nímet min godes helfe war.

- 0,231 Do got dvrch vnser aller not.
 0,232 Sín felbez leben fvr vnf bot.
 0,233 vñ blvdende andem cruce stunt.
 0,234 An fñzen vñ an henden wunt.
 0,235 vñ an den si=ten neben.
 0,236 vñ lvzel langer folde leben.
 0,237 vñ íme daz folc waz íntwichen.
 0,237a [...]
- 0,238 Eín vrhab aller frovden gar.
 0,239 Doch frovden vñ trostes bar.
 0,240 Maria die vil gvde.
 0,241 Mit trvrigen mvte.
 0,242 Mit nach gendem smerzen.
 0,243 Iris iamerberenden herzen.
 0,244 Mit mvterlicher trvwen.
 0,245 Zoch fie mit fvfzen rvwen.
 0,246 In irherze also vafte.
 0,247 Daz fie von iamers lafte.
 0,248 vñ von grozer herze fwere.
 0,249 Alda gefallen we=re.
 0,250 Wendaz der heilige man.
 0,251 Ir fwetter fvn iohan.
 0,252 dv vil frov=den arme.
 0,252a [...]
- 0,253 do stvnt die fenderi=che.
 0,254 Maria iemerliche.
 0,255 Vñ fach jren fvn ingrozer not.
 0,256 Da von ir herze ín iamer fot.
 0,257 Sie fach iren fvn vil heren.
 0,258 Sínes hñzen blvt virreren.
 0,259 Daz vz finē wunden goz.
 0,260 vñ fñe fiten nider floz.
 0,261 Mit iamers clage fi . do sprach.
 0,262 O we mir hvde vñ ímer ach.
 0,263 Waz han ich leidez fvnden.
 0,264 zv dí=fen leiden stvnden.
 0,265 O we hñze nv virfwint.
 0,266 wie hanget hi mín einíc kint.
 0,267 Info ie=merlicher not.
 0,268 O wemír daz mích der dot.
 0,269 Fvrbas vmñme gefpart.
 0,270 wemír daz ich ie wart.
 0,271 waz get mir herze leides zv.
 0,272 war fol ich arme dírne nv.
 0,273 Ich aller frovden le=re.
 0,274 Vñ vol herzeclicher fwe=re.
 0,275 Waz fol nv herzelieber fvn.
 0,276 díne vil arme mvter dvn.

0,277 Die trostelos hie for dir ftat.
0,278 Svnder helfe fvnder rat.
0,279 O we dirre ftvnden.
0,280 Vñ we mir dirre wunden.
0,281 Owe daz ich ie gebar.
0,282 Kint. vñ bin doch kindes bar.
0,283 wafen vber der ivden díet.
0,284 vñ vber den der dich virriet.
0,285 wi hant fie dich gemartelt fvs.
0,286 Ey herzer fvn iefvs.
0,287 Wi mich din grozer fmerze.
0,288 fnidet ín mín herze.
0,289 Sit ich von erst din mvter wart.
0,290 So ínhát mích angeft nit gefpart.
0,291 Ich invorhte ie dínes dodes.
0,292 Do dich der kvnc herodes.
0,293 virderben wolde vñ fín gewalt.
0,294 Dez maníc mvter barn ingalt.
0,295 die er alle gemeíne.
0,296 hiz doden dvrch dich aleíne.
0,297 Waz leit ich an=gift do dvrch dich.
0,298 dez ich do vorthé dez han ich.
0,299 ein leides ende vonden hie.
0,300 Ich ín wart es ane forge níe.
0,301 Owe der míf=fewende.
0,302 wi blvdent díne hen=de.
0,303 Dín fíte vñ dine fvze.
0,304 Ey herze fvn vil fvze.
0,305 Wi hat ich dich fo zart gezogen.
0,306 die brufte die dv haft gefogen.
0,307 hant eín trvric herze bedaht.
0,308 hafdv noch fprechens kéine maht.
0,309 Herze liebe fvn fo fprich.
0,310 Dv vf dín ovgen vñ fích.
0,311 Mich armen marien.
0,312 Díne mvter fchrien.
0,313 Vñ gib mir troft dez darf ich wol.
0,314 Ich in weis nv leider war ich fol.
0,315 Anders troftes ínhan ich nít.
0,316 Dv were al mín zvvirfiht.
0,317 we=me lefzes du mich nv.
0,318 herze fvn nv fprich mir zv.
0,319 eín eí=níc wort dvrch díne gvde.
0,320 Daz erquicket mín gemvde.
0,321 do fus die forgen riché.
0,322 Stvnt clagende iemerliche.
0,323 vñ zoch mit fvfzen manigen fvfç.
0,324 Iefus fwanc die ovgen vf.

0,325 vñ fach die leiben mvter fín.
0,326 Mit iamers clagen dvlden pín.
0,327 Den rvwen den die mvter leit.
0,328 dem fvne nvwe wunden fneít.
0,329 Mit iamer dvrch fín herze.
0,330 So daz fín felbes fmerze.
0,331 den fín martel da ínphínc.
0,332 Ime vnnach alfo nahe gínc.
0,333 Ioch méinen ich fín felbes dot.
0,334 Alf die iamerbernde not.
0,335 Die er an fíner mvter fach.
0,336 Irberme=cliche er do fprach.
0,337 “Mvter ha=be gvden troft.
0,338 Dv wirdes trv=rens fchire irloft.
0,339 dife not die ich nv han.
0,340 Sal dir zv frovdē vz irgan.
0,341 Herze mvter weíne nít.
0,342 Groze frovde dir fchiere gefchit.
0,343 Iohan der da ftet der fi dín fvn.
0,344 Er fol dir fvnliche dvn.
0,345 biz anden felde bernden dac.
0,346 Daz ich dich trof=tes weren mac.
0,347 der ane ende dich machet fro.”
0,348 zv fante iohā=ne fprach er do.
0,349 “Iohan da fteit dín mvter.
0,350 Lieber frvnt vil Gvder.
0,351 Sie fi dín mvter vñ dv ir kínt.
0,352 Mit trvwen dv dich ir vnder wínt.
0,353 dv díne trvwe an ir fchín.
0,354 Si fol índíner hv=de fín.
0,355 So lange biz ich ir hanbereit.
0,356 Endeloſe felikeit.
0,357 Da fie dez hímeles crone.
0,358 In mínes fader trone.
0,359 bi fíner zefewen hende.
0,360 dragen fal an ende.”
0,361 Der reine ewangelifte.
0,362 Daz nít langer frifte.
0,363 Er det daz íme got gebot.
0,364 Swer nu die iamerberende not.
0,365 vñ die fwere herze fer.
0,366 Dez kín=dez vñ der mvter her.
0,367 wil wifzen wie die were.
0,368 do die vil rvwe bere.
0,369 Mit iamers ovgen weide.
0,370 Sach ir einíges kint verfcheiden.
0,371 bit folicher wunden fmerzen.
0,372 der denke ínfíme herzen.

- 0,373 wi íme zv mvde were.
0,374 zv fvlcher herzezwere.
0,375 Obime daz leit gefche=he.
0,376 Daz er vor fínen ovgen gefehe.
0,377 Sin kint ínfolichen noden.
0,378 So iemerliche doden.
0,379 Vñ moht doch ime keín hel=fe dvn.
0,380 Alfus ftvnt ovch ma=rien fvn.
0,381 vñ leit den dot zv ir anegeft.
0,382 vñ [fie] ime doch mohte gehelfen nít.
0,383 Avch waz die leibe merer.
0,384 Die fv vñ vnfer herre.
0,385 Zv famen trvgen vnder ín.
0,386 Dan men=fhen herze vñ fín.
0,387 Immer Mohte irtrahten.
0,388 Ir denken vñ irachten.
0,389 der herzen lie=ben luterkeit.
0,390 die grozer waz ir herzeleit.
0,391 Do ín zv fchei=den gefchach.
0,392 do íme der dot fín herze brach.
0,393 vñ waz der reíne fvze man.
0,394 Ir fwelter fvn johan.
0,394a [warliche] [vol] [des] [riuwen]
0,395 [dvrch] dv clar heit fíner trvwen.
0,396 Dvrch fíner mñmen iamer keit.
0,397 Vñ dvrch die not die iefus leit.
0,398 Wie iefus martel da gerit.
0,399 vñ wi er von lebene fchit.
0,400 vñ avch wie erbegaben wart.
0,401 Sín vfferftant fín hímel vart.
0,402 da von ínfagen ich vch nít me.
0,403 Ir han ez wol virnomen e.
0,404 aller felden vrhab.
0,405 maria folgit íme índaz grab.
0,406 Daz fie fích nie von íme fchiet.
0,407 Dvrch angeft von der ivden deit.
0,408 Groz angeft doch die ív=den tvanc.
0,409 Daz fie mit zvi=vel worden cranc.
0,410 An deme gelovben algemeíne.
0,411 Sie flv=hen alle wen aleíne.
0,412 Die reí=ne maget ívnge.
0,413 Irs herzen vftenvnge.
0,414 Trvc dez gelov=ben fterke.
0,415 Svnder zvível merke.
0,416 Der deme gelovben dede fchach.
0,417 Dez volgete fie íme alles nach.
0,418 die getrvwe vñ ovch die reine.
0,419 Sie wifte daz alleíne.

- 0,420 waz kvnftecli=che folde irgan.
0,421 wie ir fvn fol=de irftan.
0,422 Si wifte ovch wol fín hímel vart.
0,423 Dvrchdaz an ir bevesten wart.
0,424 Dez gelovben vrhab.
0,425 Sie waz der ívngeren leideftap.
0,426 Iraller gelovbe an ir beftvnt.
0,427 die gotes craft waf ir wol kṽt.
0,428 nv lazen wir virliben daz.
0,429 vñ vir nemít vorbaz.
0,430 von difen iamers fachen.
0,431 Sollen wir frovde machen.
0,432 Iohan marien fvr̃te hín.
0,433 Rvwe vñ trv=we fvr mít ín.
0,434 Von grozen crifthen niman faget.
0,435 Da fvr̃t eín maget eín ander maget.
0,436 Der criften heide fpiegel glaz.
0,437 Iohan eín reíne maget waz.
0,438 Cṽfche vñ reíne.
0,439 bewart vor aller meíne.
0,440 Sín liep er anſich t in wante.
0,441 Wan ingot reíne irkante.
0,442 Ovch waz die rofe blvme.
0,443 Maria iohannes mṽme.
0,444 Dvrch die fippe vñ dvrch die reínde.
0,445 Ingot vil dv=re meínde.
0,446 Alf [an] finer heilikeit wol fchien.
0,447 der fier ewange=liften eín.
0,448 vñ eín apotolus waz er.
0,449 Den got dvrch fínes herzen ger.
0,450 vnde dvrch reh=te liebe gelvft.
0,451 flafen liez vf finer brvft.
0,452 Do fach er godes tovgen.
0,453 Mit fleiflichen ovgẽ.
0,454 Dvrch dife groze mínne.
0,455 Di here kvnegínne.
0,456 beval íme got der gvte.
0,457 Die nam er ín fíne hvte.
0,458 der gvte fante iohan.
0,459 vñ fvr̃te fie bit íme dan.
0,460 Ein berc heifet olivet.
0,461 da vil der olebome fteit.
0,462 Dar fvr̃ter fie die rehte.
0,463 Da wone=te fín geflehte.
0,464 Er beval fie fi=nen frvnden da.
0,465 Sie waz da baz dan anderfwa.
0,466 Sie waren alle ir kvnfte f̃or fro.
0,467 vñ hilden fie mit zvhten f̃o.

0,468 Alf ez ir e=ren wol gezam.
0,469 vñ fie ez zv danke von ín nam.
0,470 Do waz die maget ívnge.
0,471 In reíner han=delvnge.
0,472 Ane alle mißfēwende.
0,473 biz an irs libes ende.
0,474 Do het ovch got virwunden.
0,475 die not von fīnen wunden.
0,476 vñ allef daz vol endet.
0,477 Dar vmbe er wart gefendet.
0,478 von fīnen vater her nider.
0,479 Zv dem waf ovch er hín wider.
0,480 vf indaz hímelriche kvmen.
0,481 vñ hete den figen hie genomen.
0,482 vñ hete wítene gefant.
0,483 Síne a=polle indie lant.
0,483a [...]
0,484 Wart ige=licheme da bekant.
0,485 Swar fie hyne kerten.
0,486 Daz fie bre=dieten vñ leten.
0,487 Den criften gelovben.
0,488 Daz half íngot be=tovben.
0,489 Mit dem heiligen geifte.
0,490 Den fant er ín zv vol=leifte.
0,491 War igelicher queme.
0,492 Welch lant er anfich neme.
0,493 Die nvwen .e. zv lerne.
0,494 vñ die criftenheit zv merne.
0,495 Daz lazen wír beliben hi.
0,496 vñ fa=gen fvr baz wi.
0,497 wi lange dímagit erbere.
0,498 bi iohannes frvnden were.
0,499 Die reíne fvze magit clar.
0,500 vírzehín wũchen. vñ eín iar.
0,501 vñ fvr baz anden fvnhten dac.
0,502 vñ iamirs vf der erden plac.
0,503 Sitdas er vf zv hímel flovc.
0,504 Iefvs der ir brvfte fovc.
0,505 Di wile dvhte fie zv lanc.
0,506 wand ir herze infor=gen ranc.
0,507 wie fv gefehe ir eí=níc barn.
0,508 von dem fv trvric was gevarn.
0,509 Eínes da=ges daz gefchach.
0,510 Daz dez kíndez mínne brach.
0,511 der mvter ín irs herzen fchrín.
0,512 So daz die here kvnegín.
0,513 von iamers hicze wart inzvnt.
0,514 So daz irs herzen bvrnen grvnt.

- 0,515 vf wallen mvfte vñ vber floz.
 0,516 vil heífer trehene der iamer goz.
 0,517 Da von ir liechten ovgen klar.
 0,518 [daz] [muget] [ir] [wizzen] [für] [wâr]
 0,519 vñ ir wangen wurden naz.
 0,520 Heífe weínde fi gefaz.
 0,521 An eíner heímelichen ftat.
 0,522 Aldar fv von den lvden trat.
 0,523 Mit an=daht fv zv hímel fach.
 0,524 Sv want ir hende vñ sprach.
 0,525 “Ey fater vñ herre mín.
 0,526 Wí virgizfez dv der dirnen din.
 0,527 Indísem ellende nv.
 0,528 Wíe virlos ich dich fo frṽ.
 0,529 vñ wi kvmes dv mir fo fpate.
 0,530 zṽ helfe vñ zv rade.
 0,531 wi lestu mich fo lange hie.
 0,532 nv virzvivelt ich doch nie.
 0,533 An dinen fvnlichen trv=wen.
 0,534 dvrch keíner flahte rv=wen.
 0,535 Der míme h̃zen gebe leste.
 0,536 Mín gelovbe waz ie vef=te.
 0,537 Andíner heren godeheit.
 0,538 Ich weíß wol daz dín menf=heit.
 0,539 Amme crvce doch irftarb.
 0,540 vñ doch dín gotheit nít virdarb.
 0,541 vñ noch ín dín dri=valt.
 0,542 Aller dinge [du] haft ge=walt.
 0,543 Dez ich dvrch not ge=lovben mvz.
 0,544 Sit mich dín feldenberender grvz.
 0,545 Dich dragen det. alfvnder man.
 0,546 vñ ane fer ovch dich gewan.
 0,547 vñ ich dich zovh. vñ dv mín plege.
 0,548 vñ do dv ín der cripen lege.
 0,549 Daz eín efel vñ eín rínt.
 0,550 Ir kanten dich fvr godes kínt.
 0,551 Da bi ich crefte merke.
 0,552 díne godeliche fterke.
 0,553 Nv zoige di=ne craft an mir.
 0,554 vñ ním her=re mích hín zv dir.
 0,555 Da díne here maieftat.
 0,556 Selbs dritte dich aleíne hat.”
 0,557 Der iamer kvnde meren.
 0,558 Ir ovgen za=her reren.
 0,559 dvrch groffe leibe daz gefchah.
 0,560 bi einer wile fie gefach.
 0,561 Eínen leihten cla=ren fchín.
 0,562 Daz nít fchonírs kvnde fin.

0,563 Den brahte ein liechter engel dar.
0,564 vil wiffer dan ein fne gevar.
0,565 waz sin lvther clar gewant.
0,566 Einen palmen an der hant.
0,567 brahte der liechte clare gaft.
0,568 der palmen rifer einen a vn ir aft.
0,569 vil grvner waren dan ein graz.
0,570 Swas der lovber drane was.
0,571 der gleften waz ein wunder.
0,572 Ovch igelich blat befvnder.
0,573 vn lvhte al=sam der sterre.
0,574 Der vor dem dage ferre.
0,575 Dvrch die wol=ken dringet.
0,576 vn sin leiht der werlde bringet.
0,577 Der engel vor marien stvnt.
0,578 Er det mit frovden frovden kvnt.
0,579 Der frovwen die in gerne fach.
0,580 Mit fvzen wor=ten er do sprach.
0,581 "Svzen grvz vn heren fegen.
0,582 Sagen ich dir von sinen wegen.
0,583 von dez grv=ze dir ein kint.
0,584 wart dez himel vn erde sint.
0,585 daz ist din fvn der din da beidet.
0,586 vn dime hobede hat bereidet.
0,587 Ei=ne wunnecliche crone.
0,588 Indem obirften trone.
0,589 da manic wunnecliche fchar.
0,590 Der en=gel vn der heiligen gar.
0,591 frov=went sich der kvnfte din.
0,592 Dv folt bi dime fvne sin.
0,593 von hvte ame dritten dage.
0,594 di mere ich dir von ime sage.
0,595 Ich han dir vnder wilen .e.
0,596 bottschaft gefaget me."
0,597 Sie sprach "daz ist mir wol be=kant.
0,598 Dv bist gabriel genant.
0,599 dv brehte mir do foliche grvz.
0,600 Daz ich dir nv gelovben mvz."
0,601 Er sprach "nv nim diz palmenris.
0,602 Daz brach ich indem paradis.
0,603 zv zirden diner li=che.
0,604 Daz man ez lobeliche.
0,605 Vor dir hin zv grabe trage.
0,606 An dines libes endes dage."
0,607 Maria zv dem engel sprach.
0,608 Swaz mir leides. ie gefchah.
0,609 daz nimet nv ein ende.
0,610 Dez valt ich mine hende.

0,611 Vñ nigen deme grvze.
0,612 Der mîch fo rehte fvze.
0,613 Gegrvzet vñ getroft hat.
0,614 da von mîn trvren gar zergat.
0,615 Min herze ift nv frowir dan .e.
0,616 Zv dem en=gel fprach [fie] me.
0,617 “got der mvze mîch gewern.
0,618 eîner bede der ich geren.
0,619 Daz alle fîne apof=tolen gar.
0,620 Dez dodez mîn ne=men war.
0,621 So mir zv fterben ift beſchert.
0,622 vñ fomîn fele hîn=nan vert.
0,623 Daz mir die gnade gefchehe.
0,624 Daz ich fie liphafft gefehe.
0,625 vñ alle zv deme dode mîn.
0,626 Vmbe mich vñ bi mir fîn.
0,627 vñ fo man dreget mich zv grabe.
0,628 Daz ich ſe danne bî mir habe.”
0,629 Des antworte ir der engel lieth.
0,630 “María dez inzvível nit.
0,631 dir fol dín wil=le dran gefchehen.
0,632 dv folt fi alle bidir ſehen.
0,633 Noch hvde an difeme ſelben daga.
0,634 waz wunders fie ioch her drage.
0,635 Von allen landen da fie fint.
0,636 So gewaldic ift dín kint.
0,637 So behende vñ fo gefvge.
0,638 Der got den dv da trvge.
0,639 Daz er wol fvget fwaz er wil.
0,640 Iz fi lvzel oder vil.
0,641 er ſendet finer apoſtelen ſchar.
0,642 Noch hvde alle zv dir gar.
0,643 die blibent bi dir al di frift.
0,644 bisdaz dv be=graben biſt.”
0,645 zv dem engel fprach fi do.
0,646 “Ich bín dîner me=re fro.
0,647 Eînes dînges bit ich dich.
0,648 ſprich dînen ſegen vber mich.
0,649 Mir zv volleifte.
0,650 daz die bofen geiſte.
0,651 Der dvvele gefelleſchaft.
0,652 Satanas ioch ſene craft.
0,653 zv míme ende mvzen nít.
0,654 kvmen vor min angeſiht.
0,655 vñ daz ir keiner kvme dar.
0,656 So mîn fele hîn=nen var.”
0,657 Der engel fprach “dv haſt von gode.
0,658 Dez kneht ich bín vñ ovch fîn bode.

0,659 Inphangen fīnen heren fegen.
0,660 der din mvz ewecliche ple=gen.
0,661 Vñ ift immer bidir.
0,662 Nit ín wene dez daz mír.
0,663 Soli=che gewalt gegeben fi.
0,664 daz ich dich mvge machen fri.
0,665 von dez dvvels anegefiht.
0,666 Dez gewaldes han ich nít.
0,667 Ioch níman anders haben mac.
0,668 wan der ín díme libe lac.”
0,669 Alf der engel daz gefprach.
0,670 Maria fīn fvrbas nit infach.
0,671 vor iren ovgen er virfwant.
0,672 Die here maget alze hant.
0,673 Lah=te folche cleider an.
0,674 Als fi zv irme dode wolde han.
0,675 Si ȁ nam díe palme an di hant.
0,676 die ir von hímel wart ge=fant.
0,677 vñ ginc an éinen berc dabi.
0,678 Der heizet mons olí=veti.
0,679 bit reíner andaht fi do det.
0,680 vf zv hímel irgebet.
0,681 Si fprach “gnade lob vñ ere.
0,682 Mv=ze hvde vñ ímmere.
0,683 Got fader vñ herre mín.
0,684 Gefaget vñ gefvngen fīn.
0,685 díner gotlichen craft.
0,686 von aller der gefellefchaft.
0,687 die vf hímel vñ erden fīn.
0,688 Daz dv der armen dirnen dín.
0,689 zv hímelriche haft begert.
0,690 Dez ich idoch nít were wert.
0,691 wandaz dín goz barmherzekeit.
0,692 Mín vn wurde dran virtreít.
0,693 vñ daz dv díne dovgen.
0,694 den oren mín vñ ovgen.
0,695 So lobeliche haft fvrbraht.
0,696 vñ mí fo fchone haft gedaht.
0,697 zv irwllene míne zvvirfiht.
0,698 Dez waz ich vollen wirdic níht.
0,699 wan fit dez hímels trone.
0,700 Vñ die engele alfo fcho=ne.
0,701 Vñ fwaz zv himel ift becliben.
0,702 vor dínen ovgen muzfen biben.
0,703 So mac wol fīn ein menfhe irvorht.
0,704 Daz von der erden ift geworht.
0,705 Dem níht gnaden ift bereít.
0,706 dan von díner mildekeit.

0,707 Niht anders ich beraden bin.
0,708 dín mildekeit git mir ge=wín.
0,709 Doch han ich behalden wol.
0,710 Noch mit ganzen trv=wen alf ich fol.
0,711 Miner kvf=chekeide hort.
0,712 bi dem mich vant dín creftic wort.
0,713 Daz ín mir von der heren vart.
0,714 zv fleifche vñ ovch zv blv=de wart.
0,715 mín gelovbe ift noch vil ftete.
0,716 Dez ich ie gelovben hete.
0,717 daz dv bift eín gewarer got.
0,718 vñ dîne craft vñ dín gebot.
0,719 Níman mac gewenden.
0,720 Eín got mit drín genenden.
0,721 Der na=men ift derkein der meift.
0,722 vater fvn vñ heiliger geift.
0,723 Ir aller drier méine.
0,724 daz bift dv got alleíne.
0,725 Ineíner fcho=nen maieftat.
0,726 gewaldic die niht endez hat.
0,727 wi wol dv miffelíngen.
0,728 kanft zv frovden bringen.
0,729 Swaz mir leides do gefchach.
0,730 do ich dich vor mir hangen fach.
0,731 daz brenge mir zv felekeit.
0,732 Alf mir din engel hat gefeit.
0,733 Der mir zv wiffene hat gegeben.
0,734 Nach difeme libe eín frolich leben.”
0,735 Do die reí=ne ftete.
0,736 Ir gebet vol en=det hete.
0,737 Daz got vil leip=liche ínphínc.
0,738 wider heím zv hvs fi gínc.
0,739 daz waz an eíme fvdage.
0,740 Maria waz ín iamers clage.
0,741 Rehte vm=be mitten morgen.
0,742 Iamers vil mit forgen.
0,743 di maget ín ir herze laz.
0,744 Daz fante iohan nít bi ir waz.
0,745 dez da=ges an der felben an der felben ftvnt.
0,746 godes wort er dede kvnt.
0,747 Indem lande zv effefo.
0,748 do fvget ez got der gyte alfo.
0,749 zv dez folkes ane gefiht.
0,750 daz ein dvnrif blic vñ liht.
0,751 von hímel vñ eín nebel quā.
0,752 der fante iohannen alda nam.
0,753 vñ hvb ín vf vñ fvrte ín.
0,754 geín olivet den berge hín.

0,755 vor ein hvs vf ein gras.
0,756 da godis mvter ínne waz.
0,757 Er det daz dor vf vñ gínc hin ín.
0,758 Vor frov=den weínde di kvnegín.
0,759 Da fie ir neven kvmen fách.
0,760 von rehter libe daz gefchach.
0,761 Sie grvften sich eín ander.
0,762 die fcho=nen palmen vander.
0,763 dvrchlvhtic índer meide hant.
0,764 die palmen vñ daz lihte gewant.
0,765 Wifete fi iohanne.
0,766 vñ fage=te dem gvten manne.
0,767 wi fi zv dode were bereit.
0,768 Alf ir der engel hete gefeít.
0,769 Si sprach “vil lieber mac johan.
0,770 Nv gedenke doch dar an.
0,771 von angínne zvm orte.
0,772 Der ie=merlichen worte.
0,773 Da mide mích iefvs dir beval.
0,774 do er andem crvce qval.
0,775 Nv bedarf ich dín izit wol.
0,776 wand ich hínnen fcheiden fol.
0,777 Daz ich dir wol bevolhen fi.
0,778 Nv wiz mír frvntliche bi.
0,779 die ivden fprechent allen dac.
0,780 den lip da iefvs ínne lac.
0,781 Den wellen fie virbirnen.
0,782 So die fele kv=me hínnen.
0,783 Zv pvlver vil cleíne.
0,784 beide fleifch vñ gebei=ne.
0,785 da von hilf miner liche.
0,786 Alfo gewerliche.
0,787 vor den ívden hin zv grabe.
0,788 So daz ich hvde mide habe.”
0,789 Aber sprach fie do zv ím.
0,790 “Mit trvwen dich mín vnderním.
0,791 heiz difen palmenftengel.
0,792 den mir brahte der engel.
0,793 vor míner baren dra=gen hín.
0,794 bizdaz ich begraben bín.”
0,795 Er sprach “daz ich dich alleíne.
0,796 Ane die apof=telen gemeíne.
0,797 Zv grabe beftete.
0,798 vñ ir nít bi mir hete.
0,799 Die dínen corper heren.
0,800 Zv rehte folden eren.
0,801 Daz fi ín zvme grabe trvgen.
0,802 Dez kan ich nít gefvgen.

0,803 Mit keinen eren eine.”
0,804 do sprach die maget reine.
0,805 “Gabriel mir hat gefeit.
0,806 daz sie noch hvde sin bereit.
0,807 Al hie bi mir dez warten ich.
0,808 Dez mvze got geweren mich.”
0,809 Alf sie daz wort do vollensprach.
0,810 Zv hant ir wille do Geschach.
0,811 Si waren alle ga=hens dar.
0,812 von verre landen kvmen gar.
0,813 wand ein wolken vn ein nebel.
0,814 Vorne an dez hvfez gebel.
0,815 Sie zv fame=ne brahte.
0,816 Als iz got gedahte.
0,817 Ir igelicher inkvrzer wi=le.
0,818 Manic hvndert mile.
0,819 Mit eime sprvnge dar quam.
0,820 Groz wunder sie dez alle nam.
0,821 von welchen fachen oder wi.
0,822 got gefamenit hetde sie.
0,823 Mit frovden grofsten sie sich do.
0,824 vn wa=ren zv fehen ein ander fro.
0,825 Ir igelicher begvnde iehen.
0,826 wiwunderlich in waz gefchehen.
0,827 Do sie bredieten godis wort.
0,828 einer hi der ander dort.
0,829 Daz da ein wolken qveme.
0,830 vn ingahes dannan neime.
0,831 von den lvden da er ftvnt.
0,832 vn go=dis wort dede kvnt.
0,833 vn hete in inden lvften. dar.
0,834 Gefvrt dez iahen si alle gar.
0,835 Svs quamen zv famen.
0,836 von fvn=der landen namen.
0,837 Einer von galicia.
0,838 der ander qvam von india.
0,839 Da die fvnne vnder gat.
0,840 Vn fvrbas nit gebvwez ftat.
0,841 Ir igeliches fvnder lant.
0,842 blibet von mir vngenant.
0,843 Wendaz der ferre vn ovch der na.
0,844 waren geliche schere da.
0,845 Iz waz idoch vnbekant.
0,846 Dvrch waz sie weren dar gefant.
0,847 vn wiften niht der mere.
0,848 Wer indem hvfe were.
0,849 Si fvhten einen vnder in.
0,850 der sin gebet zv gode hin.

0,851 vor sie alle dede.
0,852 daz er ín gecundet hede.
0,853 vñ ín daz bescheínde.
0,854 Waz ir famenvnge meínde.
0,855 Der gvde fante peter sprach.
0,856 Zv fante pavle vñ iach.
0,857 daz er den anhap hede.
0,858 Vnde got zv erften bede.
0,859 dez folde er fín der merre.
0,860 Do ant=worde íme der herre.
0,861 “Peter dv di rede hín.
0,862 vnder vch al=len famet ich bín.
0,863 der mín=nefte an der wirdekeit.
0,864 die der apostolen orden dreit.
0,865 Nit andirs ich getoiht bín.
0,866 wendaz mir mínen wil=den fín.
0,867 Gezemet hat di godif craft.
0,868 So warent ir ie alle togent haft.
0,869 von kíndes ane gínne.
0,870 In der godes mínne.
0,871 Ir hat gedínet lange wol.
0,872 Daz ich mich nit gelichen fol.
0,873 Zv vwerme kéime ioch in mac.
0,874 wand ich alrest an den dac.
0,875 bit rehteme gelov=ben kvmen bin.
0,876 Godis ge=walt hat mir den fín.
0,877 Gekerit índen rehten phat.
0,878 Den mín gelovbe ie wider trat.
0,879 So bist dv vnser hovbet man.
0,880 dv solt zv rehte heben an.
0,881 vnser aller wort zv gode.
0,882 Der obirfte zvolfbode.
0,883 bist dv vñ niderif dich.
0,884 Dich horet got e dan mích.
0,885 Ich deilen mirs vñ ist ovch reht.
0,886 Daz ich si vwer aller kneit.”
0,887 Do der gvde pavls.
0,888 Gen gode sich irkante fvs.
0,889 “Ich ínweis” sprach eíner vnder ín.
0,890 “wi ich herzvmen bin.
0,891 Ich stvnt da heíme hvde.
0,892 Vñ prediete minen lvden.”
0,893 Dez worden die apostolen do.
0,894 dvrch finen de mvt alle fro.
0,895 ez dvhte sie vil lobelich.
0,896 wand er alrest hatte sich.
0,897 bekeret von der heideschaft.
0,898 Si felen alle samenthaft.

- 0,899 Zv der erden andie knie.
0,900 Got mit an=daht baden fie.
0,901 Daz er fie wiffen dede.
0,902 Dvrch waz er fie hede.
0,903 Gefamenet alfo ga=hens dar.
0,904 zv hant da worden fie gewar.
0,905 Eínis fíche=ren boden der da quā.
0,906 Vñ fie von deme zwivel nam.
0,907 In wart díe ware mere kvnt.
0,908 Sie fahen alle da ze ftvnt.
0,909 bi in eín dor vf dvn.
0,910 Da vnfer frowen fvefter fvn.
0,911 Gegenin vor die dvre trat.
0,912 Mit forgen ander felben ftat.
0,913 Síne gefellen vant er.
0,914 Alle bí eín ander.
0,915 Er grvfte fie befvnder.
0,916 Er fprach “nv hat vch wunder.
0,917 War vmbe ir nv zv dirre zit.
0,918 So gahēs hie gefament fit.
0,919 wiftent irs ir weret fro.”
0,920 Er befchiet fi fchiere do.
0,921 Irre famenvnge méine.
0,922 wíe die maget réine.
0,923 Den lip virwandelen folde.
0,924 vñ bi ir haben wolde.
0,925 Ir aller gefellefchaft.
0,926 Zv irme dode vñ zv ire graft.
0,927 des lobete got ir igelich.
0,928 Sie worden alle frovdenrich.
0,929 Er fvrte fie bit íme hín.
0,930 da die here kvnegin.
0,931 Die fvze clare réine.
0,932 Saz ínme hvz alleíne.
0,933 da fi die herren kvmen fach.
0,934 bit grozen frovden fi do fprach.
0,935 “Got dvt mir fíne helfe fchín.
0,936 Ir follet willekomen fín.
0,937 mír vñ deme groffen gode.
0,938 Der vnf gefchvf. dez ficher bode.
0,939 Mir hvde fagete vweres kv=men zit.
0,940 Nv fagit mír wi ir kvmen fit.”
0,941 Ir iegellicher be=gvnde iehen.
0,942 Svnder wi íme waz gefchehen.
0,943 “Ich in weís” fprach eíner vnder ín.
0,944 “wi ich her kvmen bín.
0,945 Ich ftvnt da heíme hvde.
0,946 Vñ prediete mínen lvden.

0,947 do wart ich fchire dovgen.
0,948 vor ir aller ovgen.
0,949 Virzvcket vñ viřwunden.
0,950 die lvfte mich virflvnden.
0,951 Die mich fo fvrten.
0,952 Daz míne beín gervrten.
0,953 fteín oder ftoc nie.
0,954 E. ich mich vmbe fach fo waz ich hie.
0,955 Nv mvz ich vch di warheit fagen.
0,956 Solde míc hín snelles ros dragē.
0,957 Den felben wec wider hin.
0,958 den ich her gefaren bin.
0,959 hvde ín kvrcen citen.
0,960 Ich mvfte zehen wochen riten.
0,961 hín wi=der oder mere.
0,962 vil snelle vñ vil fere.
0,963 Edan ich queme vf daz gras.
0,964 da ich hvden mor=gen waz.”
0,965 “Frovwe” ſprach do dirre vñ der.
0,966 “Svf fín wíer alle kvmen her.
0,967 In den lvften geflvgen.”
0,968 Si ſprach “fo bín ich vnbetrogen.
0,969 von dem der vch alřvs her.
0,970 Gefen=det hat nach míner ger.
0,971 des fí ime von mir armen ma=git.
0,972 Gnade vñ lob gefáget.
0,973 daz ich vch nv gefehen mac.
0,974 E. kvme mínes endez dac.
0,975 Iz íft kvmen nv die zit.
0,976 daz míme lebene ende git.
0,977 dar vmbe fit ir her gefant.
0,978 Nv fit mit trvwen dez gemant.
0,979 Daz ir bif an mines dodes zit.
0,980 wachint vñ bi mir fit.
0,981 So vnřer herre iefv críft.
0,982 Selbe her kvmen íft.
0,983 der wil min felbe nemen war.”
0,984 “Gerne” ſpra=chen fie alle gar.
0,985 Swer mich nv fragen wolde.
0,986 Ober gelov=ben folde.
0,987 Obe maria were.
0,988 fro oder rvwebere.
0,989 Rvwic nřwē vmbe die not.
0,990 wand fv wol wífte vor ir den dot.
0,991 Oder fro wand fí wol wífte.
0,992 ir himelvarť zv crífte.
0,993 dez kvnde ich vch wol beřcheiden.
0,994 den zvivel von den beiden.

- 0,995 Swes der man bit herzen gert.
0,996 Der frowet sich wirt ers gewert.
0,997 Maria irf dodes gerte.
0,998 Got fie dez gewerte.
0,999 daz vn=gemach nit fere fwirit.
0,1000 daz endelofe frowde gebirit.
0,1001 Man mohte gerne leide han.
0,1002 die zv frowden kvnde irgan.
0,1003 daz ift war. daz man den dot.
0,1004 fvrthen mvz vor aller not.
0,1005 Swer den dot ane fiht.
0,1006 der mac sich wol gefrowwen niht.
0,1007 Marien was daz wol bekant.
0,1008 Daz fi den dot da zv hant.
0,1009 dez driten dages folde liden.
0,1010 wie folde fi daz do vormiden.
0,1011 Daz fv nit rvwic were.
0,1012 gein dez dodez fwere.
0,1013 ovch fach fi wol die fe=lekeit.
0,1014 die nach dem dode ir waz bereit.
0,1015 vn̄ ir daz heil Solde geschehen.
0,1016 daz fi ir kint mvfte fehen.
0,1017 In finer hohen maieftat.
0,1018 daman leit ioch forge hat.
0,1019 Dvrch daz kvnftliche heil.
0,1020 wart ir frowde ein micheilteil.
0,1021 Merre dvrch daz ewige leben.
0,1022 dan ir trvrens mohte geben.
0,1023 dez dodez kvrzes ende.
0,1024 In difem ellenden.
0,1025 Die here famenvnge dede.
0,1026 willecliche ire frowwen bede.
0,1027 Sie wacheten an den drit=ten dac.
0,1028 daz ir keiner flafes nit inplac.
0,1029 In dem felben hvs ovch lagen.
0,1030 Ander lvde die plagen.
0,1031 daz fie got lobeten fere.
0,1032 Dvrch die lobelichen ere.
0,1033 die der fvzen meide fvn.
0,1034 Mit finer mvter wolde dvn.
0,1035 Do der dritte dac do quam.
0,1036 vn̄ prime zit ein ende nam.
0,1037 do irfvffeten fie alle gar.
0,1038 Ane der apoftolen fchar.
0,1039 vn̄ waz da meide lagen.
0,1040 wachens die noch plagen.
0,1041 den die reine ftete.
0,1042 Zv wachene dar gebo=ten hede.

- 0,1043 die anderen alle in kvrzerftvnt.
0,1044 ein gemeine flaf beftvnt.
0,1045 den fvgete der den erften man.
0,1046 Sin rippe flaffen=de ane gewan.
0,1047 Zv qvam marien fvn gefarn.
0,1048 bir maniger lihter engel fchar.
0,1049 Alda er fine mvter fach.
0,1050 Svzen grvz er zv ir fprach.
0,1051 "wefit allis leidez fri.
0,1052 Min fride mit vch allen fi."
0,1053 Sie fprachen alle gliche.
0,1054 "Got herre dovgint riche.
0,1055 Laz din irbermede vf vnf gan.
0,1056 Alf wir an dich gehoffet han."
0,1057 Maria fich do nider lahte.
0,1058 vor iefvs fvze fi fich ftrahte.
0,1059 bit andath fprach fie "kvnc her.
0,1060 Gelobet fiftv immer mer.
0,1061 Mit dri namen lobelich.
0,1062 Inei=ner go[t]heit doch gelich.
0,1063 Mit heilikeit vn mit gewalt.
0,1064 vz einen menfhen ovch gezalt.
0,1065 Ich biden dich dvrch dine gvde.
0,1066 Daz mich din craft da vor behvde.
0,1067 Swanne fo ich hinnen varn.
0,1068 Daz fathanas bit finer fcharn.
0,1069 Mir nit be=kome vnder wegen.
0,1070 da vor behvde mich din fegen.
0,1071 Daz mir daz heil gefchehe.
0,1072 Daz ich ir nit infehe.
0,1073 der tvfel al=fo grvwelich.
0,1074 herre dez gewer mich."
0,1075 Iefvf fprach "nv la daz fin.
0,1076 Ioch weiftv wol mvter min.
0,1077 Do ich vf der erden lant.
0,1078 von dem himel wart gefant.
0,1079 Dvrch aller der werlde fe=likeit.
0,1080 daz fatanas mich nit virmeit.
0,1081 Er qveme zv mir daz ich in fach.
0,1082 vn er ovch mich. vn zv mir fprach.
0,1083 vn er mich ovch virfvchte gnvc.
0,1084 Daz ich ime allez wol vir=trvc.
0,1085 Do aber er gewar wart.
0,1086 daz im min craft doch waz zv ftrac.
0,1087 vber wunden fvr er do fon mir.
0,1088 er mac wol kvmen ovch zv dir.
0,1089 Dv falt in wol gefehen.
0,1090 Daz fal idoch also gefchehen.

- 0,1091 Daz er dir niht geschaden mac.
0,1092 der fí=ner crefte ie oben lac.
0,1093 Der fol felbe mît dir varen.
0,1094 der kan dich wol vor ime bewaren.
0,1095 So daz dv in. vñ er dich fihet.
0,1096 vñ daz dv doch irschrickez níht.
0,1097 da von infalt dv niht fere wigen.
0,1098 Ganc mv=ter vf dín bette ligen.
0,1099 vñ ende dines libez frift.
0,1100 Alf dv dem dode schvldic bift.
0,1101 vñ kvm zv mir vil schone.
0,1102 In mínes fader throne.
0,1103 Rose blvme kvm zv mír.
0,1104 kvm schire niht írvorthe dir.
0,1105 Dich fol daz hí=meleche her.
0,1106 Ane aller bosen geifte wer.
0,1107 fvren frovdenliche.
0,1108 ín mínes fader riche.”
0,1109 Maria fychte ir bette ftat.
0,1110 Got fie finer gnaden bat.
0,1111 Sie stracte sich nider vñ virfchit.
0,1112 Ich wene ie sterben baz geriet.
0,1113 Ane daz der mensche starb.
0,1114 Dez sterben daz leben vnf irwarb.
0,1115 Die apostolen da zv ftvnt.
0,1116 Sahen vor marien mvnt.
0,1117 Ir fele infolicheme glaze varen.
0,1118 Daz fie ir sehen mvften sparen.
0,1119 vor glafte der ir ovgen fneit.
0,1120 Swaz menfhen mvnde zvngen dreit.
0,1121 Die kvnden vollen sprechen níht.
0,1122 Daz dvrch lvhtic clare liht.
0,1123 vñ daz wunnecliche trehen.
0,1124 Daz ander felen wart gefe=hen.
0,1125 die got vil minnecliche inpínc.
0,1126 Al da fie vz ir mvnde ginc.
0,1127 Got bevalch die schone fele.
0,1128 deme erzengele fante michahele.
0,1129 Dez waren die enge=le alle fro.
0,1130 Zv den apostolen sprach er do.
0,1131 “Nemit ir dez libez war.
0,1132 Der mích getrvc vñ mich gebar.
0,1133 dort oben ander ftede ende.
0,1134 zv der reh=ten hende.
0,1135 Geín der fvnnen vr hap.
0,1136 da vindet er ein nvwe grap.
0,1137 Dar follínt ir fie tragen hín.
0,1138 vñ legent míne mvter drín.

0,1139 Vñ beident mín da bi dem grabe.
0,1140 bis ich die lieben fele habe.
0,1141 brath ín mínes vader ríche.
0,1142 So kvmen ich fícherliche.
0,1143 Dez driten dages zv vch dar.
0,1144 di wile nemen min da war.
0,1145 Ich wil bit der felen varn.”
0,1146 hine vor der megede barn.
0,1147 Svs fvr̃t vf frovdenrichen gewín.
0,1148 Daz kint der mvter felen hín.
0,1149 Der engele frovde wart fo groz.
0,1150 Ir fíngen dṽrch die lvfte doz.
0,1151 Sṽf brah=ten fie die fele dar.
0,1152 da frovden gṽft íft ane fparn.
0,1153 dri réine meide namen.
0,1154 den réinen li=chamen.
0,1155 daz fie ín beíten zv me grabe.
0,1156 vñ zṽgen ime die cleider abe.
0,1157 daz fie albloz vor ín lac.
0,1158 da wart der reine fv=ze fmac.
0,1159 So fvze vñ alfo creftic ovch.
0,1160 Vñ der wunneclíche rovch.
0,1161 der von deme libe wete.
0,1162 Alf der zv triben hete.
0,1163 dez paradíses wurze gar.
0,1164 Ir lip waz ovch fo liht gevar.
0,1165 Noch gelper dan der fvnnen pregen.
0,1166 daz [fi] die meide nít gefehen.
0,1167 Mohten dṽrch daz glaften.
0,1168 vñ mṽften fi do taften.
0,1169 vñ taftende alfo cleiden.
0,1170 Svnder ovgen weiden.
0,1171 vñ do fi da ir doden cleit.
0,1172 der frovwen heden ane geleit.
0,1173 Der gelpe clar lihter fchín.
0,1174 liz aber do fín gleften fín.
0,1175 nv mohten die ivncfrowen.
0,1176 Ir frovwen aber fchovwen.
0,1177 Do fie zvr baren waz bereit.
0,1178 Alliz dín=ges vñ becleit.
0,1179 Die apostelen quamen dar.
0,1180 vñ namen irf antlizes war.
0,1181 Das gab fo lilien varwen fchín.
0,1182 daz nít fchonírs konde fín.
0,1183 vñ alfo fvze waz der fmac.
0,1184 daz níman daz volenden mac.
0,1185 Vol frovden fie dez waren.
0,1186 Sie hvben fie vf die baren.

- 0,1187 Sie begynden ahten vnder ín.
 0,1188 Wer die baren trvge hín.
 0,1189 Das wart gefezet ovch al=fvs.
 0,1190 daz peter vñ paulvs.
 0,1191 die baren tragen folde.
 0,1192 Wan sie ez ovch dragen felbe wol=den.
 0,1193 peter sie zvn hobeten fínc.
 0,1194 paulus zv den fvzen gínc.
 0,1195 die anderen gíngen alle.
 0,1196 bit hohes lobes schalle.
 0,1197 Alvmbe die baren mit gefvc.
 0,1198 Sante iohan die palmen drvc.
 0,1199 Al fingende fro=liche.
 0,1200 vor der herren liche.
 0,1201 det ir die keiner weinen schin.
 0,1202 daz mohte wol von frovden fín.
 0,1203 Eín nvwe wunder ingefchach.
 0,1204 die here fa=menvnge fach.
 0,1205 Inden lvften eine crone.
 0,1206 die waz wit vñ schone.
 0,1207 dar inne floic der engel fchar.
 0,1208 Mit in die fvn=gen alfo dar.
 0,1209 daz ir fingen vñ ir schal.
 0,1210 Her nider indie ftat hal.
 0,1211 der apostolen fan=gis doz.
 0,1212 waz ovch fo fvze vñ fo groz.
 0,1213 daz die lvde al=le.
 0,1214 von deme fvzen schalle.
 0,1215 Sie wunderten was in were.
 0,1216 Sie lifen vz vñ frageten mere.
 0,1217 von dem daz fvze fingen.
 0,1218 Mohte da ir clingen.
 0,1219 Vnder in eín ivde stvt.
 0,1220 der det in allen die mere kvnt.
 0,1221 Er sprach maria die ist dot.
 0,1222 vñ hant mit fange dife not.
 0,1223 Die apostolen die sint hie.
 0,1224 vñ gent da iolende vmbe sie.
 0,1225 der ivden bifchof lif aldar.
 0,1226 vñ die anderen alle gar.
 0,1227 die bi ime waren. der waz gnvc.
 0,1228 Sie wolden stellen vngefvvc.
 0,1229 Sie begynden dar nahen.
 0,1230 die baren sie irfahen.
 0,1231 vñ irhorten da bi fvzen fanc.
 0,1232 Men=gelich dar naher dran.
 0,1233 Die apostelen alle waren.
 0,1234 Alvmbe vñ vmbe die baren.

- 0,1235 vil ordenliche gestellet.
0,1236 Eín an=der bi gefellet.
0,1237 daz waz zv fehene fchone.
0,1238 dar zv die fv=ze thone.
0,1239 der lvde vñ maní=ges engeles.
0,1240 vñ ovch dez palmen ftengels.
0,1241 Zirde vñ fchonheit.
0,1242 Gaben michel her=zeleit.
0,1243 den ivden die daz fa=hen.
0,1244 do gewan ínallen ga=hen.
0,1245 der ivden bifchof zor=nes mvt.
0,1246 daz mere dvhte ín nírgen gvt.
0,1247 Mit ilen er zv der baren lif.
0,1248 Infíme zor=ne er lvde rif.
0,1249 “nv fehét wa man híne dreit.
0,1250 Den corpir von dem wir maníc leit.
0,1251 vñ alles vnfer geflethe hat.
0,1252 Ob der alfvś dahíne gat.
0,1253 daz wirs an íme niht rechen.
0,1254 So mac man ímer fprechen.
0,1255 von vnferen grozen fchanden.”
0,1256 die baren er bit den handen.
0,1257 Wolde nider han gezogen.
0,1258 die hende bis an den elenbogen.
0,1259 Ime zv hant virlamet waren.
0,1260 vñ ge=híngen ander baren.
0,1261 daz er bit keínen dingen.
0,1262 Sich mohte her abe gewinnen.
0,1263 Mit lvder ftímme er do fchrei.
0,1264 “Herre peter heija hei.
0,1265 nvhif von dirre pínen mir.”
0,1266 las dir gedenken wi ich dir.
0,1267 Gefrifte zweinmal dinen lip.
0,1268 do der cananefchen wip..
0,1269 dich ínme garten ane fprach.
0,1270 So vbel liche vñ iach.
0,1271 dv weres iefvs ivngeren eín.
0,1272 do fprach ich alles vor dich neín;.
0,1273 Man hette dich andirs gefangen.
0,1274 vñ bi iefvs ovch irhan=gen.
0,1275 Nv lofe ovch mich von dirre quale.
0,1276 Lip vñ gvt ich alze male.
0,1277 Wil dir índine gnade geben.
0,1278 Vñ im mer me din rades leben.
0,1279 Peter fprach “ich in mac dir nit.
0,1280 virgelden menflich gefchit.
0,1281 Mit der godelichen craft.
0,1282 Dv bift von godel gewalt behaft.

0,1283 Dar zv kan niman niht gedvn.
 0,1284 dan iefus dirre meide fvn.
 0,1285 wilt dv an den ge=lovben han.
 0,1286 So mahtu ledic hinnen gan.”
 0,1287 do fprach der ivden meifter. “was.
 0,1288 hvlfe mich. ich weis wol das.
 0,1289 vnfer iefvs niht gervchet.
 0,1290 wir han vnf felben doch virflvchet.
 0,1291 Wir fprachen wider fine hvlde.
 0,1292 wir wolden daz fines dodes fchvlde.
 0,1293 Solde vf vnf vñ vnfer kinder gan.
 0,1294 wi mohte ich dan fine hvlde han.”
 0,1295 peter fprach “dv infalt iz nit rvchen.
 0,1296 wan wizfes. daz felbe flvchen.
 0,1297 Godes hvlde niman mac berovben.
 0,1298 dan den der indem vngeloben.
 0,1299 Immer wil beliben.
 0,1300 Dem mvz der flvch becliben.
 0,1301 wilt dv bit vnf gelovben han.
 0,1302 So mac dín píne wol zvr gan.”
 0,1303 Die wile ftvnt die bare al ftille.
 0,1304 er fprach “ez ift mín vester wille.
 0,1305 Daz min ge=lovbe ftete fi.
 0,1306 An den der hat die namen dri.
 0,1307 der da heizet iefv crift.
 0,1308 dez mvter dife ma=get ift.”
 0,1309 Alf er daz da vollen fprach.
 0,1310 zv hant ein zeihen da gefchach.
 0,1311 die hende er von der baren nam.
 0,1312 Ime waz doch we vñ waz noch lam.
 0,1313 Zv fante peter fprach er me.
 0,1314 “hilf herre mir ift noch harte we.”
 0,1315 Er fprach mir ist noch harte “wol níde andie knie.
 0,1316 Vñ kvffe die baren hie.
 0,1317 von godis gewelde hilf ich dir.
 0,1318 Ich fprechen vor nv fprich nach mir.
 0,1319 Ich gelovben an iefum crift.
 0,1320 der godes fvn von himel ift.
 0,1321 dez di=fe here magit genas.
 0,1322 die magit beleip vñ magit was.
 0,1323 dez menfheit ame crvce irftarb.
 0,1324 daz doch fin gottheit nit virdarb.
 0,1325 er wart begraben vñ irftvnt.
 0,1326 dez dritten dages wol gefvnt.
 0,1327 die hellen er brach geweldecliche.
 0,1328 vñ fvr vf infines fater riche.
 0,1329 vñ daz da nieman andirs ift.
 0,1330 Geweldic got dan iefv crift.”

- 0,1331 “dez ge=lovben ich” sprach dez ivden mvnt.
0,1332 da wart er alzehant gefvnt.
0,1333 Dez fait er gode gro=zen danc.
0,1334 daz íme da fo wol gelanc.
0,1335 von íme felben sprach er me.
0,1336 daz fine bvch der al=den e.
0,1337 des gebe waz vrkvn=de.
0,1338 daz man dran gescriben fvnde.
0,1339 Gefcriben ware mere.
0,1340 Daz maria were.
0,1341 Ein schone reine templū.
0,1342 da got fel=be alleine.
0,1343 Inne wolde wesen.
0,1344 daz heide er dicke ge=lesen.
0,1345 Dez waren die apof=tolen fro.
0,1346 Sante peter sprach aber do.
0,1347 “ganc zv iohanne der dort stat.
0,1348 vñ ním die palmen die er hat.
0,1349 die ist von himel her gefant.
0,1350 Vñ ker geín der stat zv hant.
0,1351 Da findez dv vil lvde blínt.
0,1352 Ivnc vñ alt fwaz ir fínt.
0,1353 wand sie nach dirre baren.
0,1354 vor die stat gelovfen waren.
0,1355 daz rach der lihten engel schar.
0,1356 daz sie virblínten alle gar.
0,1357 Swer aber nv gelov=ben wil.
0,1358 Ir fi lvzer oder vil.
0,1359 den falt dv al geliche.
0,1360 die ovgen bestrichen.
0,1361 bit der palmen afte.
0,1362 So fiht er al=fo vafte.
0,1363 Alf da vor oder baz.
0,1364 von godez gnaden hat er daz.
0,1365 Swer wider dem gelo=ben strebet.
0,1366 dalanc er bif naht gelebet.”
0,1367 der ivde da die pal=men nam.
0,1368 hín wider índie stat erquam.
0,1369 die lvde vant er alle blínt.
0,1370 Mit iamer weín=nende alf kínt.
0,1371 Sie rífen dic=ke “we vñ we.
0,1372 We vnf hvde vñ immer me.
0,1373 wi han wir blínde gvrren.
0,1374 Alf die von fodomorren.
0,1375 godes zorn ir=worben.
0,1375a [...]
0,1376 dvrch ir gros vn=reínekeit.
0,1377 die felbe plage ist vns bereít.

0,1378 den selben zorn han wir inpangen."
 0,1379 do quā ir prince gegangen.
 0,1380 vñ fai=te wi is ime irgangen was.
 0,1381 Wi er irlamete vñ genas.
 0,1382 vñ faite in al befvnder.
 0,1383 die zeihenlichen wunder.
 0,1384 vñ dar nach von dem palmen do.
 0,1385 da von die blinden wur=den fro.
 0,1386 Er sprach "gelovben ir daz crif.
 0,1387 Marien fvn der meide ift.
 0,1388 woldir in deme gelovben wesen.
 0,1389 So moget ir alle wol genefen.
 0,1390 daz doc vch nit zv inberne."
 0,1391 Sie sprachen alle "gerne.
 0,1392 Sol vnser gelovbe an ime besten."
 0,1393 Er begynde in naher gen.
 0,1394 die palmen er in vf die ovgen strech.
 0,1395 daz blin=den in zv hant gefwech.
 0,1396 Vñ gewnnen ir gefiht wi=der.
 0,1397 fvnve vilen dot dar ni=der.
 0,1398 Sam die schelmen vf die erden.
 0,1399 fie in wolden niht gelovbic werden.
 0,1400 Alf der schelme die gefclvc.
 0,1401 der ivde die palmen wider drvc.
 0,1402 Vñ antworte fante paule fie.
 0,1403 Er faite inallen rehte wi.
 0,1404 Inder ftat irgangen waz.
 0,1405 wi die gelovbige deit genaz.
 0,1406 vñ die fvnfe dot gelagen.
 0,1407 die dez gelovben niht inplagen.
 0,1408 die apostolen alle gar.
 0,1409 Vñ di gelovbigen fcharn.
 0,1410 hvben aber ir fvzen fanc.
 0,1411 Daz ef inden himel clanc.
 0,1412 die godes holden frowwethen sich.
 0,1413 vñ trvgen hin die selben lich.
 0,1414 Als indas got gebot zv gra=be.
 0,1415 Mit frowden vñ mit vn=gehabe.
 0,1416 bit liebe vñ bit lei=de.
 0,1417 die haden fie da beide.
 0,1418 Sie frowweten sich ir felekeit.
 0,1419 vñ waz in ovch daz fchei=den leit.
 0,1420 fie lahten fie in ein nvwe grap.
 0,1421 Alf indaz gebot got felbe gap.
 0,1422 Alvmbe daz grap ir aller ften.
 0,1423 Mohte ane weinen niht irgen.
 0,1424 von grozen frowden daz irginc.
 0,1425 daz doch ein iamer vnder vnc.

0,1426 Daz grap vñ ovch die reíne.
0,1427 bit eíme grozen fteíne.
0,1428 bedahten fies der bi ín lac.
0,1429 biz an den dritten dac.
0,1430 Al vmbe daz grap fie lagen.
0,1431 So daz wahrenes plagen.
0,1432 Do quam dez dritten dages fchin.
0,1433 ovch iefvs zv der mv=ter fín.
0,1434 Id queme alf er íngehis.
0,1435 die er hi nídene bi ín liz.
0,1436 Ia fín wort falliret níth.
0,1437 Swaz er geheifet daz gefchit.
0,1438 Woy wi der meide barn.
0,1439 dorch die lvfte quam gevarn.
0,1440 bit geweldeclichem her.
0,1441 den níeman mohte irbeiten wer.
0,1442 Erzengel vñ engele dar.
0,1443 brahten maníge lihte fchar.
0,1444 dar quam bit frovden offenbar
0,1445 vil widewen vñ meide clar.
0,1446 bifchove vñ bihtere.
0,1447 Vñ maníc fchone mertile=re.
0,1448 Patriarchen vñ pphe=ten.
0,1449 die ftvl zv hímel heten.
0,1450 bit fante michaele.
0,1451 der fvrte marien fele.
0,1452 der engel waz eín wunder.
0,1453 bit maniger ftorien fvnder.
0,1454 die fvngen alle famet ho.
0,1455 “Gloria ín excel=fis deo.”
0,1456 von difeme fange lobelich.
0,1457 die zvolfboten frov=weten fich.
0,1458 do fie quamen vbirs grab.
0,1459 Svzen grvz íniefvs gab.
0,1460 Da bi wart frov=den vil bekant.
0,1461 den apofte=len alzehant.
0,1462 Sie felen ní=der ínrcvce wís.
0,1463 Vñ fp=ra=chen “hohes lobis pris.
0,1464 Si díner hohen craft gefaít.
0,1465 da dv zv dirre werden magit.
0,1466 So lobeliche kvmen bift.”
0,1467 do fprach der herre iefv crift.
0,1468 “Do ich von hímel wart gefánt.
0,1469 alf vch allen ift bekant.
0,1470 her nider vf die er=den.
0,1471 vñ menfche folde wer=den.
0,1472 Dvrch alles menfclich kvnne.
0,1473 daz ich ez wider gewunne.

- 0,1474 von der helle=wize not.
0,1475 Vñ ich ir ewe=clichen dot.
0,1476 bit míme dode mahte los.
0,1477 Zv einer mv=ter ich irkos.
0,1478 dife maget gehvre.
0,1479 vor aller creatvre.
0,1480 wande fie zv mvter mir gezam.
0,1481 die menfheit ich von ir genam.
0,1482 Ich bín ir fleihz vñ ir blvt.
0,1483 waz dvn=ket vch dan alle gvt.
0,1484 ob ich fie laze ligen hi.
0,1485 oder bit mir fvren fie.”
0,1486 Sie fprachen alle gemeíne.
0,1487 “Sit diz fleihz vñ diz gebeíne.
0,1488 daz dv zv mvter heite irkorn.
0,1489 hat dich getragen vñ geborn.
0,1490 vñ dv von ir gelibet bift.
0,1491 vñ fie von dir geheiliget ift.
0,1492 vñ fit ein fleihz vñ ein blvt.
0,1493 So dvnket vnſ daz nimmer gvt.
0,1494 daz die wurme vnrei=ne gar.
0,1495 daz fleichz efzen daz dich gebar.
0,1496 Iz lege gar zv nahe dir.
0,1497 vf vnfern or=den teilen wír.
0,1498 daz dv ane vnder fcheiden.
0,1499 lip vñ fele beide.
0,1500 Indínes fader paradís.
0,1501 fvren folt gelicher wíz.
0,1502 Alf dv bit díner heren craft.
0,1503 Nach díme dode liphafft.
0,1504 Vf irftvnde vome grabe.
0,1505 dez fel=ben ganc ovch ir nít abe.”
0,1506 Do fprach der lieben mei=de fvn.
0,1507 ich wil es willeclíche dvn.
0,1508 daz ir mir hie geteilet hat.
0,1509 vwer orteil vñ vwer rat.
0,1510 ift gereht des bín ich fro.
0,1511 Zv gabriel fprach er do.
0,1512 “heb vf den fteín. vñ laz mich fchovwen.
0,1513 míne mvter vwer frovwen.
0,1514 die der bo botſchaft konde wern.
0,1515 fie folde maget ein kín geberen.”
0,1516 Gabriel der engel liht.
0,1517 Svmde godes ge=bot niht.
0,1518 Er warf den fteín vil gahens abe.
0,1519 do quam zvhant vz dem grabe.
0,1520 So lihter fchín fo fvzer fmac.
0,1521 da nie=man von gefprechen mac.

0,1522 "Stant vf mvter mínne=clich."
 0,1523 sprach iefvs "die so dike mich.
 0,1524 hat vf gehaben trvwelich.
 0,1525 do waren wír arm nv fín wír ríche.
 0,1526 kvm her mínes libez kvnne.
 0,1527 kvm her mín hímel wunne.
 0,1528 Nv ftant vf al mínz herzen ger.
 0,1529 mín fpigel glaz. ftant vf kvm her.
 0,1530 kvm her mín reíne cvfche zvht.
 0,1531 dich eifchít dínis libes frvht.
 0,1532 bit aller fíner engel fchar."
 0,1533 fante michahel drat naher dar.
 0,1534 die clare fele er dar gap.
 0,1535 deme libe wider índaz grab.
 0,1536 der heiligeíft det da ze ftvnt.
 0,1537 Dem doden libe leben kvnt.
 0,1538 Vf rihte fích die maget zvhant.
 0,1539 Ir wart vil fchire da be=kant.
 0,1540 die frowdenríche mere.
 0,1541 daz ir fvn da felbe were.
 0,1542 vil fchire die reine fvze.
 0,1543 Ime fil an fíne fvze.
 0,1544 vñ lobete fíne hohe gewalt.
 0,1545 vñ fíne craft fo manícvalt.
 0,1546 die er began=gen hetde an ir.
 0,1547 Er hvb fie vf. "kvm her zv mir."
 0,1548 sprach er "vil liebe trvde mvter min.
 0,1549 Dv folt dez hímels frowwe fín.
 0,1550 kvm her zv mír fo na=he.
 0,1551 Daz ich dich vmbe vahe."
 0,1552 Sín herfchaf dez gelofte.
 0,1553 daz er fie mínnencliche kvfte.
 0,1554 vñ bevalch fante michahele.
 0,1555 beide lip vñ fele.
 0,1556 Die er vil frowdenliche ínphínc.
 0,1557 Alre^{ft} ez an die frowde gínc.
 0,1558 Swaf ich von iamer han gefait.
 0,1559 von dem fvn vñ von der magit.
 0,1560 do fie vor deme crv=ce ftvnt.
 0,1561 Do was ín beiden iamer kvnt.
 0,1562 vñ herzecli=che leide.
 0,1563 Dez waren fie nv beide.
 0,1564 Mit frowden hi irgez=zit fo.
 0,1565 dez manic engel wart da fro.
 0,1566 Vf fvr di here trínital.
 0,1567 vñ fwas da zv hímel eren waz.
 0,1568 der waz bit dirre verte wol.
 0,1569 die lvfte worden fchal=lif vol.

0,1570 vñ dar zv hímel vñ erden.
0,1571 Da sie di magit wer=den.
0,1572 Zv hímel condvierten.
0,1573 waz engele da schantirten.
0,1574 bit wunneclicheme schalle.
0,1575 vñ die heiligen albetalle.
0,1576 Die wolken daden sich von ein.
0,1577 Swaz hímel glaftes .i. gescheín.
0,1578 von sterren manen fvnnen.
0,1579 Swaz die lihtes .i. gewonnen.
0,1580 Daz waz allif gar ein niht.
0,1581 Da wider daz si nv ir liht.
0,1582 brahten dar in wider strit.
0,1583 Gein der heren hochgezit.
0,1584 Swaz vf deme himele waz beliben.
0,1585 Daz quam alrerst her abe getri=ben.
0,1586 von dez himels trone.
0,1587 manege lihte crone.
0,1588 der mei=de hovbet trvgen.
0,1589 Die ilten dar lvgen.
0,1590 an die fvze clar magit.
0,1591 von der inwaz so vil gefait.
0,1592 vñ inphingen sie vil fvze.
0,1593 Mit fange vñ ovch bit grvze.
0,1594 bit lobelicher crie.
0,1595 "Sis willekvmnen maria."
0,1596 Wart dicke da irlvngen.
0,1597 Ein an=der sie sich drvngen.
0,1598 daz sie al ir frowen.
0,1598a [...] [schouwen]
0,1599 wand sie der reinen steten.
0,1600 Kvme irbiden heten.
0,1601 der fvze got vil gv=ter.
0,1602 Svs braht er sine mv=der.
0,1603 die minnenclichen wer=den.
0,1604 Vf den hímel von der erden.
0,1605 da die vil tovgintri=che.
0,1606 Schone vñ wunnencli=che.
0,1607 Mit himelifcheme fan=ge.
0,1608 von schonen anefange.
0,1609 Gegrvzet vñ inphangen wart.
0,1610 andez hímels in vart.
0,1611 von den heiligen vber al.
0,1612 Alrest hvb sich ein nuwer schal.
0,1613 vñ manic frowden richer don.
0,1614 Da sie got fvrte in finen [trôn]
0,1615 Zv finer zeifwen hende.
0,1616 da frowde hat kein ende.

0,1617 Do brahten íme die engele dar.
0,1618 Eine crone liht gevar.
0,1619 Da cro=net er díe mvter fín.
0,1620 Er fprach “nv wis eín kvnegín.
0,1621 Alhie geweldecliche.
0,1622 ín míme hi=melriche.
0,1623 vñ fich des vorbas vffe mich.
0,1624 Swes dv mích bides daz dvn ich.
0,1625 Dv maht mích biden was dv wílt.
0,1626 Der fvndere fridefchilt.
0,1627 Salt dv mvter gein mir wesen.
0,1628 Dez manic fele mac genesen.”
0,1629 Do bot fich die fvzze.
0,1630 An iris fvnes fvze.
0,1631 Vñ inphínc di hímelifchen crone.
0,1632 In deme hohen trone.
0,1633 da got infiner maieftat.
0,1634 bit Síner lieben mvter hat.
0,1635 beide frovde vñ wunne.
0,1636 Swer gerne da gewunne.
0,1637 Stvl vnde gefizze.
0,1638 Der plege folicher wize.
0,1639 Daz er die fv=ze reine.
0,1640 bit rehtem herzen meíne.
0,1641 vñ fi ir díneftlichen bi.
0,1642 Ime fvget ovch wol daf er fi.
0,1643 Réine vñ cvfche.
0,1644 ane alles falfches gethvſche.
0,1645 vñ habe fie indem mvte.
0,1646 So hilfet ime die gvde.
0,1647 Daz er des dike wirt gewert.
0,1648 daz er zv rehten dínge begert.
0,1649 Swer dinet nach ir mínne.
0,1650 Der mac an ir gewinnen.
0,1651 hoher minnen gegen covf.
0,1652 der werlde mínne vmbelovf.
0,1653 Daz ift ein falfcher trvgenlift.
0,1654 nv ob dv eín minnere bift.
0,1655 dv fiſt wip oder man.
0,1656 [ſich] wi dv minne lonen kan.
0,1657 Minnes dv ein reine wip.
0,1658 So mvft dv elden dinen lip.
0,1659 vm̃me virgebene.
0,1660 bit forclicheme lebene.
0,1661 wand fie dich nimmer dez gewert.
0,1662 Irs laſtris dez din herze gert.
0,1663 din rvwen ftet gen wibe thvehris.
0,1664 Swanne dv irs laſters geris.

0,1665 du lobes sie zv prise.
0,1666 Sie si hvbes vñ wife.
0,1667 Sie si edel vñ gyt.
0,1668 vñ habe tvgenthaften mvt.
0,1669 Sie si reine vñ stete.
0,1670 vñ woldes doch daz sie trete
0,1671 Vz allir stetekeit.
0,1672 Dvrch din eínes herzeleit.
0,1673 ist sie danne reine.
0,1674 so belibes dv aleine.
0,1675 Indem leide jmmer mer.
0,1676 Svs minnes dv din herzefer.
0,1677 wan wil fv eren walten.
0,1678 Sv mvz sich reine halten.
0,1679 Nv si daz wol daz sie daz ioch si.
0,1680 stetis wibes fvren bi fri.
0,1681 So daz sie dvrch sinen rat.
0,1682 dez wibes ere vriere hat.
0,1683 Zv hant virsihes dv dich da.
0,1684 Sie ple=ge ovch minne ander fwa.
0,1685 dez mvst dv forgen vmme.
0,1686 Sich so in wart dir nie so we.
0,1687 Svs ist dir von minnen bereit.
0,1688 gein eíme liebe dvfent leit.
0,1689 nv prve ovch so ez alvme gat.
0,1690 waz endes zveier minne hat.
0,1691 Sich mvz die liebe an beiden.
0,1692 bit herzeleide scheiden.
0,1693 Alfus virdinet ir hi vñ dort.
0,1694 Dez libes vñ der felen mort.
0,1695 daz ist die arme zvirsiht.
0,1696 ey felic mensche dv so niht.
0,1697 Laz von der minne die dich lat.
0,1698 fvnder helfe fvnder rat.
0,1699 Vñ minne da dv wirdes gewert.
0,1700 Alles des din herze gert.
0,1701 An aller flahte leide.
0,1702 Als ich dich wol bescheide.
0,1703 wiltv an minnen han ge=win.
0,1704 So kere allen dinen sin.
0,1705 An hohe werde minne.
0,1706 Vñ minne eíne kvneginne.
0,1707 die ovch díner minnen gert.
0,1708 Vñ die dich minnenf wider wert.
0,1709 Sie gefwech ir frvnden ní.
0,1710 Swer si minnet den minet sie.
0,1711 Ir minne ist vil gemeíne.
0,1712 Vñ stete vñ reíne.

0,1713 Sie iſt edele vñ gvt
 0,1714 Zvhtic vñ wol gemvt.
 0,1715 kvſche vñ mīnnenclich.
 0,1716 Milde vñ tovginderich.
 0,1717 vñ ob ſi danne fo ſchone ſi.
 0,1718 Ia qvemes dv ir alfo nahe bi.
 0,1719 daz dīnen ovgen worde irkant.
 0,1720 Ir mīneſtir finger von irhant.
 0,1721 der dvrch lvhtige clare ſchīn.
 0,1722 dede dir daz herze din.
 0,1723 Ga=hes von ein ander gan.
 0,1724 vñ lechenlich offenſtan.
 0,1725 von frovden. vñ fon wvnnen.
 0,1726 Sam die roſe geīn der fvnnen.
 0,1727 Des morgens inme dovwe.
 0,1728 Nv ſich dan obe die frovwe.
 0,1729 Zv ſchovwen id were wū=nenclich.
 0,1730 dem ſie geſtaden wolde anſich.
 0,1731 Mvſceclich zv ſehen.
 0,1732 dem kvnde nīmerbaz geſchen.
 0,1733 der fvzen mīn=nerīne.
 0,1734 Der diene Die mīn=ne.
 0,1735 Dv indarft n̄mer dī=nen lip.
 0,1736 Dvrch ſie alſ dvrch ein ander wip.
 0,1737 gewagen inturneī.
 0,1738 Noch gefingen nvwen rei.
 0,1739 Vñ wirdet dir ovch an=dirs holt.
 0,1740 Ane ſilber vñ ane golt.
 0,1741 Ich wil dich wiſen alſe wie.
 0,1742 dv andīrs nit dvrch ſie.
 0,1743 wen daz dv doch dedes.
 0,1744 ob dv gerne ere hedes.
 0,1745 laz alles ſlacſh getvſche.
 0,1746 vñ wiſ ovch nīt vncvſche.
 0,1747 wen daz dvt deme libe we.
 0,1748 vñ dīner ſelē noch me.
 0,1749 vñ nīmet dir noch mere.
 0,1750 dīn gvt vñ ovch dī ere.
 0,1751 die vīr dīnc fwechis dv da mide.
 0,1752 haſt dv vnkvſche fide.
 0,1753 obe die kein brediere.
 0,1754 dir fagete waz fvnde we=re.
 0,1755 So iſt fvnde vñ falſche meīne.
 0,1756 doch fo gar vnreīne.
 0,1757 daz dv ez ſelbe irkennen mvſt.
 0,1758 So dv fvnde cliche dvft.
 0,1759 vñ faget dir dīn herze daz
 0,1760 Lizzet dvz dv dedes baz.

0,1761 Wilt dv von minnen lon ínphan.
 0,1762 So maht dv gerne dorch fie lan.
 0,1763 daz dir felben fchaden dvt.
 0,1764 daz dir ere vñ gvt.
 0,1765 fe=le vñ lip die víre.
 0,1766 dir beno=men hat vil fchire.
 0,1767 fwer wider difen viren ftrebit.
 0,1768 der lebet nít er wider le=bet.
 0,1769 Vñ mac die fchonen frovwen.
 0,1770 Nvmer me be=fchovwen.
 0,1771 die fvzen mín=nerínne.
 0,1772 Des himels kv=neginne.
 0,1773 vñ den fvzen minnere.
 0,1774 der gvt zv min=nenne were.
 0,1775 dem alle mín=ne íft wol bekant.
 0,1776 der dvrch mínne wart gefant.
 0,1777 von dem hímel vf die erden.
 0,1778 vñ dvrch mínne wolde wer=den.
 0,1779 Eín lebenliche mínnefrvth.
 0,1780 von dez mínen wart bedruth.
 0,1781 der mínneclíche meíde fchos.
 0,1782 dez maníc mínere fit genos.
 0,1783 In twanc der mínne mesterfchaft.
 0,1784 Daz er von ftarker mínnecraft.
 0,1785 fích índer engen mait beflos.
 0,1786 dem hímel vñ erde waz zegros.
 0,1787 Svs wart die mínne minnende minne.
 0,1788 der fv=zen mínnerínne.
 0,1789 Zv reht mínne mínneclích.
 0,1790 Dez. flos die mínne ín mínne fích.
 0,1791 Daz fon der mínen v=ber flvt.
 0,1792 eín wort wart fleifch vñ blvt.
 0,1793 da von der mínner wart geborn.
 0,1794 der dvrch die mínne drvc den dorn.
 0,1795 Vf deme hoibete zv eíner crone.
 0,1796 er ranch nach mínne lone.
 0,1797 Dvrch mín=ne er wart gefangen.
 0,1798 vñ dvrch mínne ovch irhangen.
 0,1799 dvrch der rehten mīne ger.
 0,1800 Liz er den blínden man fínfper.
 0,1801 dvrch fíne fíten ftechen.
 0,1802 die mínne det in fprechen.
 0,1803 Daz ín begvnde dorften.
 0,1804 do drvc man dar dem fvrften.
 0,1805 Galle vñ efzic vnder eín.
 0,1806 Sie wanden er drínken efche neín.
 0,1807 fín dvrft ín eifch de=keínen dranc.
 0,1808 die mínne ín anders dvrften tvanc.

- 0,1809 Nach der criftenheide.
0,1810 Der er vil kvme irbeide.
0,1811 dvrch mnnen er finen lip verlos.
0,1812 Vn amme crvce fterben kos.
0,1813 waz mohte der min=nerinne fvn.
0,1814 dvrch die min=ne me gedvn.
0,1815 Wendaz er fin heres leben.
0,1816 dvrch dich gervchte dem dode geben.
0,1817 Sich deme diene den mine.
0,1818 vn fine minnerinne.
0,1819 Die minnen lobes ift bereit.
0,1820 wand fie der minnen flvf=zel dreit.
0,1821 da mit irfvn die hellen in fcloz.
0,1822 dv vndes an ir helfe groz.
0,1823 vor wen fie bidet der ift gewert.
0,1824 Ir fvn dvt allis daz fi gert.
0,1825 Swaz fie fpricht daz fal fin.
0,1826 "gerne liebe mvter min."
0,1827 Sprichet er vn andirs nit.
0,1828 "Swas dv gebvtes daz gefchit."
0,1829 den minner vn die minne=rin.
0,1830 den kvnc. vn die kvne=gín.
0,1831 folt dv mnnen daz ift min rat.
0,1832 Der werlde min=ne fchiere zvrgeat.
0,1833 Ir liebe herzecliches leit.
0,1834 vn anders nit am ende dreit.
0,1835 Nu helfe vnf der fich an den dot.
0,1836 dvrch vnfer al=le minne bot.
0,1837 daz wir alfo geminnen in.
0,1838 Daz die he=re kvnegín.
0,1839 die minnecli=che fvze.
0,1840 vnf danne helfen mvffe.
0,1841 herzeliebe fvnder leide.
0,1842 So fich die fele fal fchei=den.
0,1843 von dem armen licha=men.
0,1844 In godes namen. amē.